儒

宗

理

要

文集。

「誠正類 後學西山張能鮮祭輯 之具對月數歲 事干變萬化 終封先除日六 篇事生直會月 明 則 開 於 文本事

**吵然之身居深宫之** 以有惟精惟 驗之者於外者常若士 事無 之心正则天下之事無 其端無窮而 有不能已者而其觀感之 心而為天 污耳或 得由於正都不惟其賞之 1 下萬事之本也此心旣正則視明聽聰周旋中 一之戒孔子所以有克已復體之 名三 不本於人 之中其心之 行無過不及而能執其中雖 - 目所配十手所指而不可掩此大舜所 一者然邪正之驗昔於外 問風動神速 不出於正 邪正若有不可得而窺而其符 )所勒刑之所感各览所向势 心者此自然之 まん! **大主之心不正則天下之 介甚**為是以人主 以天下之 V

畢矣心一 需宗里要未子 權市罷以紊朝政此則左右之 間洞然無有毫髮私邪之間然後發號施令羣聽不疑進賢 「解不惡之殿下謹載盆之戒無一人敢通 人敢恃恩私以亂典常納賄賂而行請謁此則家之 後從容燕息貴戚近 加后北 成服紀綱得以振 以朝廷百官六軍萬民無敢不出於正而治道 有關唯之德後官無盛色之譏其魚順序 於三 盆之戒無一人敢通內外竊威福招近臣攜僕來子。陪侍左右。各供其職常納賄賂而行請謁此則家之正也 而無侵擾之患政事得以修 誠正類文集 正也內自禁省外徹朝廷二者

廟之中朝廷之上此先王之治所以由內及外自微至著精粹 靜無不制以有司之法而無纖芥之隙瞬息之境得以隱共毫 評之職以自規正而凡其飲食酒類衣服次食器用財贿與夫 復之 臣官官妄之政無一 間或有差失而不自知也是以進師保之官以自開明刻諫 如對神明如臨淵谷未常敢有須更之怠然猶恐其隱微 一級華波動之中、幽獨得肆之地而所以精之一之。克之 人之尊深居九重之遂而凛然常若立乎宗 不領於家宰之官使其左右前後一動

以是而思之吾之所以精一 聖慈委曲開醫然臣之愚終竊以為此輩但當使之守門傳命 省事禁臣固有不得而知者然不見其形而視其影不視其內 焰黑灼傾動一時今已無可言矣獨有前日臣所面奏者雖蒙 聖王也至於左右便錄之私恩遇過當往者淵觀說抃之徒勢 之功乎所以修身齊家而正共左右者果皆有如此之效乎官 供掃除之役不當假借崇長使得逞邪媚作淫巧於內以荡上 占其外則野賞之濫貨順之流間巷竊言久矣不勝其籍籍 立門庭招權勢於外以累聖政而其有大 、臣竊以是窺之則陛下之 民里是朱子 Š. 所以修之家者恐未有以及古之 誠正類文集

於前日亦皆輒以面奏而陛下諭臣以為誠當深祭而痛懲之 出其門者至共納財之塗則又不止於十大夫而專於將帥 不當論児其有才適所以為姦有罪而不可復用手且 作与、五马 王管喪事欽奉几筵之命遠近 一都城則又知此曹之川事者非獨此人而侍從之臣益已 餘小醜不比人類乃熒惑聖心虧損聖德以至此極而公卿 「折如前日所以渝邑者陛下亦安能家蹬」 臣拱手熟視無一言以救其失臣之痛心始者惟在於此。 野史記之播於夷狄傳於後世且以陛下為何如主 而始問陛下比於環刻之共已常有所易置乃知陛 1 傳聞無不竊笑臣不知國史背 一塚而人脏之耶 如向來

崇貧巨鎮使即便安此曹無知無所忌憚况中外將帥其不為 血以奉軍旅之費本非得己 **怨言謗聽悖逆絕理至有不可聞者一** 封殖而行貨前於近習以圖進用彼此旣厭足矣然後時以 常京型要卡手 **閮腹心之臣外交將帥共為蔽欺以至 所仗是皆為將帥者巧為名色頭會其飲陰奪取其糧賜以** 。號爲羨餘陰奉燕私之野以嫁士卒 者無幾陛下亦未能推其類而悉去多 受其獻則後日雖知其罪而不得復有所問也 卷三 一而為正士者領乃未當得 诚正领文集 有緩急不知陛下何所 也陛下竭生靈之音 四 反龍 温飽

何為也 於有私人以私心用私人則不能無私費 匹夫而言則以 則陛下所以正其左右未能及古之聖王又明矣且私之 不得議其制置之得失給諫不得論其除授之是非以此 之心哉而陛下不悟反 T 不得以通乎天下至於天子則際天之所覆極地之所載英 一会学 鄉為私而不得以通乎其國自諸侯而言則以一國為私 **分之所有**而無外之不通矣又何以私為哉今以不能勝 3 1 故據已 邪而至於有私心以不能正其家人近 分之所獨有而不得以通乎其外之稱也故自 一家為私而不得以通乎其鄉自鄉人而言則 私人 習之故而

**略陛下平明之治不宜偏私使內外異法也當是之時,略烈父** 覆使其無有私而不公之處其所以與我者亦不細矣乃不能 需兴里要朱子 平先王之法矣夫以蜀之 是豈不可惜也哉若以時勢之利害言之則天下之勢合則強 忠智為之深謀而其策不過如此可謂深知時務之 不宜與同若有作姦犯科及為忠善者宜付有司論其刑賞以 分則弱故諸葛亮之告其君曰官中府中俱為一 外納美餘之 于以區區之蜀抗衡天下十分之九規取中原以與漢室以亮 公而自割裂以狭小之使天下萬事之弊其不由此而出 ) 獻而至於有私財陛下上為皇天之所子全付所 X 三 小而於其中又以公私自分彼此 誠正頻文集 拞 一體陟罰臧否 )要而暗

常账 者皆阿私苟且之政日往月來養成禍本而貽燕之謀未遠輔 者常不足以勝乎私則是此兩國者又自相攻而其內之 賢而亦有所妨乎此則賢人必不得用而所用者皆庸終檢巧 攻而不置為國家者亦已危矣夫以義理言之 子廢法令而保姦回使內之所出者自有以賦乎外。公之所立 **内國然則是將以梁益之** <u>F</u> 八雖勤於立政而 ) 職不修紀綱環於上 外之公者常負也外有邪敵之虞內有陰邪之冠日夜夾 如此則今日之事如不早正臣恐陛下之心雖勞於求 有所礙乎此則善政必不得立而所 半圖英魏之全又且內小 |風俗壞於下民愁兵怨國勢日里 ) 既如彼以利 者

其本則亦在夫陛下之反諸身耳聖心誠無不正則必能出私兄此數者根株深固枝葉廣濶若不可以朝變而夕除者然寃 日猝有不處臣竊寒心不知陛下何以善其後也然則臣之后 **帑以歸版曹矣版曹不至甚關必能復破分之法除殿最之** 諫以公刺舉矣聖心誠無不正則必能嚴宦官兵將交通之 きっちまこまでドト (寬州縣矣,聖心誠無不正則必能擇宰相以選牧守矣擇臺 以選將屬宰相矣宰相誠得其人則必能為陛下擇將帥以 又戊申封事謂君心正比事無不正 17.1.1

僧异耳多 典兵之官既皆得人然後明詔宰相議省監司之員而精其選 **党某責又詔銓曹使以縣之劇易分為等差而常切詢訪天** 點而退之凡州縣之 生活使以次補最劇之縣果有治績則優而進之不勝其任 作士氣討軍實廣屯田以省漕運矣上 之官吏能為縣者不拘薦舉之有無不限資格之高下而籍 而可去者可以漸去而民力庶乎其可寬矣 八主所以 丑延和奏劄 是年除浙東提舉 冬奏事延和殿 制天下之事者本乎一心而心之所主又有天理 間無名非禮之供横飲巧取之政其太甚 一謂心有天理人欲之異 孝宗朝 |自朝廷|

**曾竊怪陛下以大有為之資膺受付托憂動願治恭儉愛民** 然循之則其心公而且正人 為憂因竊以是推之而得其說請昧萬死為陛下一 特不見是朱子 而且邪公而正者逸而日休私而邪者勞而日拙其效至於治 有是以人君既正其心誠其意於堂作之上突與之 丁年於此矣而問者臨軒慨然發歎乃或未免以治效之不進 安危有大相絕者而其端特在夫一念之間而已舜禹相傳 八心惟危道心惟微惟精惟一。允執厥中者正謂此也 治固必出於一人而天下之事則有非一 ミニ 八欲者此心之疾疾循之則其心私 滅正疑文集 一人所能獨任 一陳ン

寛之 使令之賤無得以奸其間者有功則久其任不稱則更求賢者 求天下敦厚誠實剛明公正之賢以為輔相使之博選 作与王宫 可以輕奪此天理之當然而不可易者也人君察於此理而不 於無事而坐守百官聚職之成功一 病其偏黨反側點閣待嫌固日擾擾乎方寸之間而好 聰 )列位使之交修衆職以上輔君德下固邦本而左右私聚 明達 一毫私意鑿於其間則其心廓然大公嚴然至正 理直諒敢言忠信廉節足以有為有守者隨其器能 《將有不可勝言者此亦理之必然也 7 或反是則為人欲私意 素然行 偽護

**運忤意者將以除察此輩之負犯而操切之欲其有所忌憚。** 始得以奉清開備驅使而宰相之權日輕旣而陛下亦慮其勢 之心又本有前日權臣跋扈之疑是以不復廣求賢哲而姑 不敢肆於為惡陛下之用力則已勞矣而其象張擒縱之機問 有所偏而因重以壅已也則叉時聽外庭之論雖甚強訐無所 需好里要朱子 所重而治亂安危之效又未能盡如聖志之所欲葢旣未能循 成以庸陋猥瑣不堪委寄或以朋比欺罔自速罪辜而陛 、熟易制承順不違之人以充其位於是左右私義使令之賤 段避之計又可謂無遺巧矣然而天下之勢終不免於倫 初葢皆選 **後三** 建豪英任以政事矣不幸其間不能盡得其 誠正類文集 取 **F** 

素輕者不免於譴訶然猶委蛇盤礴不失其崇資峻秩而攫 龍之計中外相應更濟其私至於姦窮惡稔蹤跡敗露然後其 勢日重雖欲兼採公論而士大夫之勢日輕重者既恢其重 聰明此其生熟甘苦旣有所分則恐陛下未及施其駕馭之策 之從容無間士大夫之禮貌旣莊而難親其議論又苦而難 近習便辟側媚之態旣足以蠱心志胥史狡獪之術又足以眩 而先已堕其數中矣是以比年陛下雖欲微抑此輩而此輩之 天理公聖心以正朝廷之大體則固已失其本矣而又欲兼 工大夫之公言以爲駕馭之術則士大夫之進見有時而近 5 3 1 權其輕而姦者又借力於陛下之所重以爲竊位固

應詔言事皆以明理正心之說陳於陛下之前惟惟深衷實 以千里者臣恐陛下於此偶未察也是以往歲蒙恩賜對去年 臻葢羣小相挺人人皆得滿其所欲惟有陛下了無所得而國 壞邪伎充塞貨賂公行兵怨民愁盗賊問作災異數見饑饉洊 援引之姦也日往月來浸淫耗蝕使陛下之德業日取綱紀 所以蔽遮天理濁亂聖心則將益深錮而遂至於不可觧葢其 家額乃獨受其弊是則陛下之勞旣不足以成天下之務而反 以敗之,其巧旣不足以勝羣小之奸而反以助成其勢若彼 之厚賜優禮以去其素重者則陛下固未曾 念之疑大臣而其為害展轉至此所謂差之毫釐穆 机丘顶发集 問其別比

信公坦英生 妄論至此悲憤填臆伏惟陛下赦其罪而納其忠深為宗廟社 稷大計不俟終日断然行之則不惟愚臣之幸實天下之幸 誤恩顧則又痛斥而遠屏之以永除後日蔽遮濁亂深錮之害 求賢才以修聖政則夫左右私竅使令之賤固已無隙可投以 臣謹按此傳之第六章承上 弊臣至愚極陋學無所成獨有畯蟻愛君憂國之心不能自己 庶幾天下之事猶可復為陛下之國家將不至於卒受羣小之 得望清光敢畢其餘忠如此誠願陛下深察天理以公聖心廣 於此而學淺辭拙不足以起發聖意恐懼至今乃幸復以職事 經遊講義論誠意一傳之義 一章之言以釋誠意之義者也臣又 前丁様では

常是而心則否是皆自欺之類也所謂誠其意在於母自欺而 隱微之間常有不欲者以拒乎內也外有惡惡之狀而其隱微 詳說之日民之秉髮本無不善放人心之發莫不知善之當為 之間無一毫之不惡是以其好善也如好好色其惡惡也如惡 之間常有不惡者以主乎中也是以其外雖公而中則私其形 有所不實而不免為自欺也所謂自欺者外有欲善之形而其 而欲爲之惟其氣稟之雜物欲之私有以害之是以爲善之意 言いしに休子 惡臭而方寸之間無有纖芥不快不足之處是則所謂自慊 之間無一毫之不好心之所發在於惡惡則表裏皆惡而隱微 矣能禁乎此則其心之所發在於好善則表裏皆好而隱後 Rich 級正顏文集

於此亦致其謹而不使 意之誠也能自慊而意誠則其隱微之間無非善之實者君子 イデカスで 之必然而見君子所以必誠其意之指也然考之於經則所以 惡而揜之則旣不足以自欺人之視已如見其肺肝則又不足 知之如十目之所同視十手之所同指無不見之甚可畏也 共引曾子之言以下則所以明夫隱徽之間實有不善則人皆 有德之人其身必修其心廣大則其體必安舒此又以者其理 自欺則不惟形於念慮之間而必見於事為之際此知其為 )問實無不善則其形於外也亦然蓋多財之人其屋必美 八亦何益之有哉此君子所以又以為戒而必謹其獨 一毫之私得以介乎其間而已若小人 Ì

身托平兆民之上念處之間一有不實不惟天下之人皆得 議其後而禍 看記 里見 朱子 目所視十手所指而已願陛下於此深加省察實用工 經者皆不可以不察也然猶為衆人言之耳若夫人君則以 之處惡必藏焉以爲自欺之主錐欲致其謹獨之功亦且無主 能為而無地之可據矣此又傳文之所未發而其理已具於 的析於毫釐之 於中有地可據而致謹於隱微之間若知有不至則其不至 幸甚如其不然則今日區區之講讀亦徒爲觀聽 **亂乘之又將有不可過者其為可畏又不止** 間而心之所發必無外善内惡之 21.1 夫知至葢知無不至 誠正頻文集 <u>+</u> ) 弊所以有

為圖回之術則豈可以勝言哉然語其大患之本則固有在矣 管開天下之事有本有末正其本者雖若迁緩而實易為力效 國是之說行而公論鬱於下此 本末之所在而先正其本。本正則末之不治非所憂也且以今 其末者雖若切至而實難爲功是以昔之善論事者必深明 日天下之事論之上則天心未豫而饑饉薦臻下則民力已 **加賦飲方悉盗賊四起人心動搖將一二以究其弊而求所以** 何益於治道有無之實以窒夫禍亂之原哉 與陳侍郎書論格心之議 が不ご 一綱類萬事泉獨斷之言進而主意騎於上 三者其大忠之本也然為是說

以央矣熹竊不自勝其憤懣之積請復得而詳言之夫沮國家 說者不破則天下之事無可為之理而君心不正則是三說者 之書不暇及他而深以夫格君心之非者有望於明公益是三 也內咈吾民忠義之心而外絕故國來蘇之望者講和之說也 恢復之大計者講和之說也壞過睡備禦之常規者講和之 有大於此者而山野之所弗聞弗知者平閣下誠得其本而論 儒宗理要朱子 卷三 又豈有可破之理哉不審閣下前日之論其亦常及是乎抑又 **芍逭目前宵旰之憂而養成異日晏安之毒者亦講和之說也** )則天下之事一舉而歸之於正殆無難者而吾之去就亦易 八主心術之蔽則亦無自而入此熹所以於前日 試正類文集 <u>+</u>

**警者而忍以薄物細故捐之哉夫君臣之義父子之恩天理民** 者苟曰力未足以報則姑為自守之討而蓄憾積怨以有待焉 所以造端建極者如此所以發號施令者如此而欲人心固 **桑之大有國有家者所以維繫民心紀網政事本根之要也今** 迫不得已之言以存天下之防者嗚呼孰有大於祖宗陵廟之 猶之可也今也進不能攻退不能守顧為甲解厚幣以乞憐於 凡前目之薄物細故吾既捐之矣欣欣然無復分毫恐痛含冤 仇讐之戎狄幸而得之則又君臣相慶而肆然以令於天下日 則又有大於此者葢以祖宗之譬萬世臣子之所必報而不忘 其為禍固已不可勝言而議者言之固已詳矣若爲之所言

然自聖上不畏皇天之譴告下不畏公論之是非挾其雷霆之 后三里是未子 寒心矣而爲此說者之徒懼夫公論之沸騰而上心之或悟也 為禍則又不止於講和之一事而已是盜將重候吾君使之傲 所欲而陰以自託其私焉本其為說雖原於講和之一 則又相與作為獨斷之說傳會經訓文致姦言以深中人主之 國是之說以應之者其欺天罔人包藏險愿抑又甚焉主上 然不為之一 **小不仁也哉甚於作俑者矣仁人君子其可以坐視其然而恬** 夙萬釣之 )重以肆於民上而莫之敢搜者必此之由也嗚呼其 ,雅庶事始終有條而不紊此亦不待知者而凛然以 一言以正之乎此則既然矣而旬日之間又有造為 ジニ **减正頻文集** 一言然其

戰天下萬口一辭之公論吾恐古 之是之也故必懸實以誘之嚴刑以督之然後僅足以劫制 有天下之利勢者哉惟其不合乎天下之所同是而強欲天 國是者豈不謂夫順天理合人心而天下之所同是者 **卜之所同是也則錐無尺上** 可其奏而奉公亦不聞有以為不然者喜請有以 (不齊之口而天下之真是非則有終不可誣者矣不識今 所為若和議之比果順乎天理否耶合乎人心否耶誠順 合人心則固天下之所同是也異論何自而生乎若猶未 Ŧ 一其偏見濟其私心殭爲之名號 一民之柄而天下莫得以為非况 日國是假人 **告之夫** 八主之 耶就 誚

益近世主張國是之嚴凜乎其不可犯未有過於近時者而卒 家一言之不合乎此則指以為邦朋邦誣而以四凶之罪隨之 熙寧之初王安石之徒皆為此論矣其後章悼蔡京之徒又從 而予思所稱具曰予聖誰知烏之雌雄者不幸而近之矣昔在 から 一下来子 是重談吾君使之葬亂亡之轍迹而躬駕以隨之 相徇直言不聞卒以至於危亡而不悟也傳曰差之毫釐緣以 以公論不行馴致大禍其遺毒餘烈至今未已夫豈國是之不 **加紹述之前後五十餘年之間士大夫出而議於朝退而語乎** - 里况所差非特毫釐也哉嗚呼其可畏也已奈何其又欲以 一而然哉惟其所是者非天下之真是而守之大過是以上 波正質之果 他嗚呼此 卞

若汲汲焉以勉於大人之事而成已成物之功一舉而兩得之 焉不能自己而復發其狂言如此不審高明以為如何也尚書 非獨喜之願質海內生靈之願也 下望之吃然若中流之底柱有所恃而不恐雖然時難得而易 失事易毀而難成更願合謀同力早悟上心以圖天下之事此 也熹杜門求志不敢復論天下之事久矣於閣下之言竊有感 其位則天下之責四面而至與其顛沛於末流而未能所濟孰 乎他特在乎格君心之非而已明公不在朝廷則已一日立乎 說者其為今日大患之本明矣然求所以破其說者則又不在 傑作班要 一公計就職已久方羣邪競逐正論消亡之際而二公在朝天 はきはまっていた

息不與事接之際為未發時即嘗試以此求之則泯然無覺之 中部暗鬱塞似非虚明應物之理而幾微之際一有覺焉則又 **高宗里要朱子** 便為已發而非寂然之調益愈求而愈不可見於是退而驗之 其間初無項刻停息舉世皆然也然聖賢之言則有所謂未發 八自有生即有知識事物交來應接不暇念念遷華以至於死 中家然不動者夫豈以日用流行者為已發而指夫暫而休 窮者是乃天命流行生生不已之機雖一 與南軒書論未發已發之旨 間則幾感之而通觸之而覺蓋有渾然全體應物 农三 成正順文集 日之間萬起萬滅

祭之際觀之二 真隨處發見不少停息其體用固如是而豈物欲之私所能 皆不因事而發見學者於是致察而操存之則庶乎可以買乎 而档上之哉故錐泪於物欲流荡之 一太極也太極本無極也其論至誠則日靜無而動有程 以存而陷於禽獸則誰之罪哉周子五行一陰陽也陰 全體而復其初矣不能致察使梏之 何求只平日涵養便是又曰善觀者却 處而可以謂 反覆至於夜

**發者方往而未發者方來了無間斷隔截處夫豈有物可指而** 月指東畫西張皇走作之態自今觀之只一念間已具此體 見得又果無差否所調龜山中庸可疑處鄙意近亦謂然又 所謂學者於喜怒哀樂未發之際以心驗之則中之體自見 為蓝善大抵此事渾然無分段時節先後之可言今着 · 旅深所欲聞當時乍見此理言之唯恐不親切分明故 與前軒書再論已發未發之旨 正恐未得端的所以求正兹唇誨諭乃知尚有認為 八理無窮而人之所見有遠近淺深之不一不審如 化三 誠正類文集

揣摸處心 語錄亦當疑 歐絕有古無今久矣此所謂天下之大本若不真的見得 行乎用之性耳今下一 何見所著中論。有云未發之前心妙乎性既發則性行乎心之 吊有箇未發底耳若無此物則天命有已時生物有盡處氣化 用矣於此竊亦有疑葢性無時不行乎心之用但不妨常有未 ちまう 未字便是活處此豈有 答張南軒論心未發已發之旨 無所見聞而苔語殊不痛快不知左右所疑是此處否 處說存養於未發之時 一前字亦微有隔截氣象熟玩中庸只消 息停住時耶只是來得無窮便 何及問者謂當中之

豈欺我哉葢通天下只是 是而致知格物居敬精義之功自是其有所施之矣聖賢方册 不待安排往往自見灑落處始初自信以為天下之理其果在 **據其已發者而指其未發者則已發者人心而凡未發者皆其** 而名之哉即夫日用之 於實體似益精明因復取凡聖賢之書以及近世滔老先生 遺語讀而驗之則又無一不合蓋平日所疑而未自者今皆 **民里更朱**子 見但其間語病甚多未為精切比遺書後界日潛 物而不備矣夫豈别有 然未發之肯良心發見之端自以為有 段三 間渾然全體如川流 箇天機活物流行 發用無問容息 物拘於一 不息天運之不 一時限於 坈

味其言亦可見矣 明道所謂未嘗致纖毫之力者真不浪語而此一段事程門先 **躩觸處朗然也存者存此而已** 有号面写 庸未發已發之義前此認得此心流行之體又因程子凡言 心勿忘勿助長也從前是做多少安排沒頓着處今覺得如 到船洋解維正桅而沿回上 與湖南諸公論中和第 一察謝公所見透徹無隔礙處自餘難不敢妄有指議然 )發而言遂目心為尸 **下惟意所適矣豈不** 養者養此而已必有事焉而勿 青論中和體用之果 產之間 小易哉始信 而舊飛魚

喜怒哀樂之性發焉而心之用可見以其無不中節無所乖戾 其無過不及不偏不倚故調之中及其<br />
感而遂通天下之故則 宙此之時即是此心寂然不動立證而天命之性全體具焉以 **里要朱子、长三** 說似皆以思慮未前事物未至之時為喜怒哀樂之未發. ) 學之後不容安排但平日莊敬涵養之 和此則人心之正而性情之 功夫全無本領葢所失者不但文義之間而按文集遺 減正類文集 說非惟心性之名命之不當 ~德然也然未發之前不

於已 書蘇季明反復論辨極於詳密而卒之不過以敬為 言又 心為已發而日用工夫亦止以察識端倪為最初下 血無失即所以中又日入道莫如敬永有致知而不在敬者 却平日涵養一 涵養須是敬進學則在致知葢為此也向來講論思索直 ラ・チェー · 發之際觀之 一差其害乃至於此不可以不審也程子所謂凡言心者 一言語事為之間亦為急迫浮露無復难容深厚之風葢 一發而言此乃指赤子之心而言而調氏言心者則其為 一段工 一夫使人胸中擾擾無深潛純一之 **於未發之** )前者固可默識 故程子之 **下手處以故** 敬

不一也益曾子專為發明聖人一貫之青所謂由忠恕行者也推近以為遠始倚一偏終必垂庆益非理之本然是乃所以為 而盡疑諸說之誤又不可遂以為未當而不宪其所指之殊也 有二則某之言亦非謂忠恕為有二也但聖賢所論各有所為于言由仁義行與行仁義之別耳孟子之言不可謂以仁義為 而發故當隨事而釋之錐明道先生見道之明亦不能合二者 界前書所論忠恕則一而在聖人在學者則不能無異此正孟 个審諸君子以爲如何 答范秘閣論忠恕有二之說 也非不能合益不可合也強而合之不降高以就里即 成正頃文集

恭忠恕二字,自聚人觀之於聖人分上極為小事然聖人分上 恕爲粗迹故曾子於此指以示之耳此說難陋乃二程先生之 行百物生莫非造化之神不可專以太虛無形為道體而判形 無非極致益既日 以此而論今所被教間曲折可以無疑矣若夫曾子所言發明 而下者為粗迹也此孔子所謂吾無隱乎爾者不離日用之間 子思專以指示學者入德之方所謂行忠恕者也所指既殊安 一三子知之未至而疑其有隱則是正以道為無形以日用忠 貫之旨某前書一 不以為二然核其所以為忠恕者則其本體益未嘗不同也 / 光二 一貫則無小大之殊故也循天道至教四時 再論之皆未蒙决其可否某又有以明之 7

謂已矣者又以見隨寓各足無非全體也忠恕兩字。在聖人有 所謂忠恕者乃會子於一貫之語點有所契因門人之問故於 垂渝忠恕說仰荷不棄其思與之反覆敢復為說以請益焉某 所見道體之中指此二事日用最切者以明道之無所不在所 知推行為說是以不自知其當否而每有詩爲 止所以發明此義也如夫子所以告學者與子思中庸之 又答范秘閣再論忠恕有二之說 一蔡謝先生又發明之顏某之思實不及此但以聞見之 用在學者有學者之用如會子所言則聖人之忠恕也 一程所謂維天之命於穆不已天地變化草木番者 • **发王** 題之美 产里出二

言之而見其與性與天道者未嘗有二所以爲一貫也然此所 之何也日此持敬之功貫通乎動靜之際者也就程子此章論 尚下學而上達焉 則亦豈有所隔閉哉 謂異者亦以所至之不同言之猶中庸安行利行勉行之別耳 程于日存養於未發之前則可又日善觀者却於已發之際觀 忠恕未免參校彼巴推巴及人則宜其未能誠一 聖人之忠恕者同月而語也若曾子之所言則以聖人之忠恕 以天爾蓋動以天者事皆處極曾子之所言者是也學者之於 **传兴理要**诗三 為學者言之也故明道先生謂曾子所言與違道不遠具者動 程子養觀說 永三 三十二 はず サンイン 一於天安得與

豈可舍是而他求哉 乳能察之故又日學者莫若先理會敬則自知此矣然則學**老** 引いしい大手 其所也然則靜中之動非敬其執能形之動中之靜非敬 流行必二氣五行交感凝聚然後能生物也性命形而上者 天之付與萬物者謂之命物之禀受於天者謂之性然天命 調性止生之調也 氣則形而下者 也形而上者 心也及其已發隨事觀省是乃所調動上求靜艮之所 明道論性說 成正質以長 理軍然無有不

作原用要求 人生氣稟止不可不調之性也 之性也先生又曰善惡皆天理謂之惡者本非惡但或過或 不及便如此益天下無性外之物本皆善而流於惡耳 性為之主以其氣之或純或發而善惡分焉故非性中木有 所稟之氣所以必有善惡之殊者亦性之理也益氣之流行 之說而以性即氣氣即性者言之也 生之氣而天命之性存焉此程子所以發明告子生之謂性 二物相對也然氣之惡者其性亦無心傳故惡亦不可不調 者則紛紜雜揉善惡有所外矣故人物旣生則即此所稟以 )謂性。水流而就下也 

皆水也」各自出來 雷奈里罗朱子 长三 則性之 者氣禀清明自幻而善聖人性之而全其天者也流未遠 此又以水之清濁譬之水之清者性之 發見之端而言之而性之 而見異物而遷焉失其赤子之心者也濁有多少氣之昏明 是也觀水之流而必下則水之性下可知觀性之 純駁有淺深也不可以獨者不為水惡亦不可不 **一獨者氣禀偏駁之甚自幼而惡者也流旣遠而方濁者長** 2韞善亦可知也 誠正類文集 和因可默識矣 介加孟子之 盂 一 發而必善 一論四端

此理天命也。此舜有天下而不 所以修者莫非天命之本然非人 兩物對立而並行也改 無濁故非取濁置一 所謂元初水也雖濁而清者存故非將清來換濁既清則本 バララジ 不加澄治之功惟能學以勝氣則知此性渾然初未皆壞 則非其本然調之非性則初不離是以其如此故人不可 一隅也如此則其本善而已矣性中豈有 **小善而性未增去** 小與者也 八私智所能為也然非聖人

然常人之所以不定者非其性之 外無間矣天地之所以為天地聖人 上之動 學亦以求定而已矣故擴然而大公者仁之所以為 所謂貞也夫豈惡於外誘之

工義行則性定而天

除而反為是憧憧

以害夫義是以情有所蔽 馬尼里夏未子 外物為心而反求炤於無物之 紀 三 誠正類文集 本然也自私以贼夫仁用 集一五 知自反以去其所蔽顀

之功少故不能無疑於此程子以是發之其旨深哉 之於道固非後學所敢議然意其疆探力取之意多涵派完養 忘怒則公觀理則順二者所以為自反而去蔽之方也夫張子 公而順應天理之極也眾人之喜怒自私而用知人欲之盛也 内而非外則大公而順應尚何事物之為累哉聖人之喜怒大 **小用知矣內外兩忘非忘也** The state of the s 一循於理不是內而非外也不是 THE REAL PROPERTY. 文集終

知與意皆出於心知是知覺處意是發念處圖風 日本世界朱子 人學所謂知至意誠者必須知至然後能誠其意也今之 得此關透此關後滔滔然自然去為君了不然則崎嶇反側 看得合作切至之至知之者切然後貫通 須是知得盡尤要親切尋常只將知至之 只說操存而不知講明義理則此心慣慣何事於操存也某 不免為小人之歸也致知所以先於誠意者 誠 **أ 凡分别關隘去處 城正顏語錄** 若能誠意則是透 芙

知至而後 如點 好惡之當惡然後自然意不得不誠心不得 不得其門而入矣惟其胸中了然知得路逕 係蠟燭在中間光明洞達 没安頓處自然着他不得若是 一所及者固可見光之所 **它非無長處但它只知得** 事安頓在後 無處不炤雖欲將不 面固不得 知未至譬如一 小及處 知善之 則背黑 小好物 盏燈

欲知知之真不真意之誠不誠只看做不做如何真窗如此做 問紀至而后意誠故天下之理反求諸身實有於此似從外去 而完但提朱子 长三 時雖欲誠意共道無由如人夜行雖知路從此去但**黑暗行** 成便是知至意誠道夫 是質未曾見得若實見得自然行處無差個 固然並可說物未能格意便不用誠自始至終意常要誠如 知未至者也知道善之當好惡之當惡然臨事不如此者只 銀剛和有是處經 不得所以要得致知知至則道理坦然明白安而行之令人 人適差當南其轅豈可謂吾未能到楚且北其轅但知未幸 終無格物工夫也問物未格時意亦當誠 誠正類語錄

誠意方能保護得那心之全體、 或問知至以後善惡旣判何由意有未誠處日克已之功乃是 不是節 知至後不用誠意便不是人心惟危道心惟微毫釐間不可 是失其正自古無放心底聖賢然一念之微所當深謹緩說 箇在外去幹家事其父却說道在家底是自家兒子在外底 耳矣馬聲言弗又笑日某當說人有兩箇兒子一箇在家一 不子細理會緩說太快便失却此項工夫也錄 知至以後事惟聖罔念作狂惟在克念作聖一念絕放下便

層が世紀朱子 或問意者心之所發如何先誠其意曰小底却會牽動了大底 問心本也意特心之所發耳冷欲正其心 物也緊張自致知知之始誠意行之始襲孫 誠意最是一 心之所以不正只是私意率去意才實心便自正聖賢下語 種田不先去了草如何下種須去了自欺之意意誠則心正 去了許多惡根如人家裏有賊先去了賊方得家中寧如人 日心無形影教人如何撐拄須是從心之所發處下手先須 一字是一字不似个人作文字用這个字也得攺做那一字 一段中緊要工夫下面一節輕一 12111 12111 誠正類語錄 先誠其意似倒說 一節或云致知格 莌

問心如何正日只是去其害心者端蒙 或問意者聽命於心者也今日欲正其心先誠其意意乃在心 或問正心誠意莫有淺深否日正心是就心上 後所謂好惡哀於與脩身齊家中所說者皆是合有底事但 狀汗穢皆在意之不誠必須去此然後能正其心及此旣正 當時時省察其固滯偏勝之私耳傷 濤不停故水亦播動必須風濤既息然後水之體靜人之無 之先矣日心字卒難摸索心譬如水水之體本澄湛却為風 事接物上說那事不自心做出來如係身如絜矩都是心做 一理會若脩見與絜矩等事却是各 一說脩身是就應

或問誠其意者母自欺日譬如一 局心里更朱子 如惡惡臭如好好色此之謂自悚悚者無不足也如有心為善 寒之欲衣則此意自實矣祖道 得分晓譬如个人見烏喙之不可食知水火之不可蹈 以合天心也和道 不食不蹈如寒之欲衣饑之欲食則自是不能已令人果見 是自欺須是表裏如 如鳥啄之不可食水火之不可蹈見善如饑之 一分心在主張他事即是横渠所謂有 連會 R 一便是不自欺然所以 誠正類語錄 一塊物外 不自欺須是見 芜 5外之心不可 則自 t

誠意者好善如好好色惡惡如惡惡臭皆是真情既是真情則 於中形於外又恐於獨之時有不到處故必謹獨節 問誠意章日過此關方得道理牢固或云須無 誠其意者先致其知知若未至何由得如此蓋到物格知至 發見於外者亦皆可見如種麻則生麻種穀則生殼此謂誠 為害更皆搜過始得珠 後已是意誠八九分了只是更就上面省察如用兵禦冠冠 雖已盡弱除了猶恐林谷草莽間有小小隱伏者或能間出 自懷必十分自慊方能不自欺故君子必謹獨日固是然欲 一、金短海班日提撕令常惺覺填刻放寬便隨物流轉無復 亳自欺方能

次月叉日夜來說得也未盡夜來歸去叉思看來如好好色 清京祖是末子 自我何益之有大雅 爲不善見君子則掩其不善而著其善是果有此乎。 惡惡臭一段便是連那毋自欺也說言人之毋自欺時便要 至則勇猛奮躍不已必有長進處今不知為此則書自書我 好好色如惡惡臭試驗之吾心好善惡惡果能如此乎問居 惡惡臭此便是自欺毋自欺者謂如為善若有此子不善 自欺時便當斬根去之真個是如惡惡自 如好好色如恶惡臭樣方得若好善不如好好色惡惡不如 を三 段正類語錄

問意旣誠而有憂患之類何也曰誠意是無惡憂患怂憶之 作のヨニニ 然無許多屈曲某舊說忒說潤了高了深了。然又自有 惡不如惡惡臭見君子而後厭然 是四者得以為主於內日四者人不能無只是不要它留而 好善不如好好色若只如此看此 爲不善底 **人如舊說者欲節去之叉可惜但終非本文之意耳。** 不是惡但有之則是有所動節 恐懼好惡憂患皆以有所為言則是此心之正不存 段便是自欺底只是 官所則是被他為主於內心反為它動也道 、徐其不善而著其善便是 篇文義都貼實平易用 開居為不善便是惡

テス組芸株子 四者心之所有但不可使之有所私爾士 心心 可有一 得但不可先有此心耳个人多是才念懷雖有可喜之事 平若先自添着些物在上而以之稱物則輕重悉差矣心不 不得其正益心無物然後能應物如一 胸中。且如公婕恐懼有當然者若定要他無直 物亦猶是也帶 可喜者固須與之喜然別遇 并 後三 城正領語隊 呈 無無不開食而不知其味了葢這物事才 喜雖有當怒之事亦不復怒便是蹉過事理了便 长三 一量稱稱物固自得其 事又 是用死方

人心如一 作与ララ 矣道夫 來隨感而應自然見得高下輕重事過便當依然恁地虛方 正事了又只苦留在這裏如何得正質孫 得若事未來先有一 各止其所而我無所與則便視而見聽而聞食而真知其味 去只骨在胸中推盪終了 **箇影象在裏如何照得人心本是甚然虚明事物之** 一箇忿懥好樂恐懼憂患之 争到來又以這心相與液合便失其

心只是一 **野や世段朱子** 唤醒 廣 內則此心不放逸而烱然在矣心既常惺惺又 RAIL. 一箇心治 誠正類語錄 箇心 所謂存 倜

**今於日用間空閉時收得此心在這裏截然這便是喜怒哀樂 今說求放心說來說去却似釋老說入定** 作分ガラ 八常須收飲箇身心使精神常在這裏似擔百千斤擔相似須 硬着筋骨擔質系 在便如執權衡以度物質孫 **晓是底便是天理非底便是逆天理常常恁地收拾得這心** 未發之中便是渾然天理事物之來隨其是非便自見得分 則反不是 大自家只着些子力去提省照管它便了。不要苦着力着力 **石輩却要得此心主宰得定方頼** 伯羽 7 般但彼到此便死

看完里是朱子 欲隔塞故其廣大有虧本自高明但為物欲緊累故於高 所謂尊德性致廣大極高明葢此心本自如此廣大但為物 心上做得主定方驗得聖賢之言有歸着自然有契如中庸 是欲人將已放之心收檢入身來自能尋向上去今且須就 動勿與不勿只爭毫髮地丽所以明道說聖賢千言萬語只 道之謂教亦此心也以至於致中和替化育亦只此心也致 知即心知也格物即心格也克已即心克也非禮勿視聽言 有被若能常自省察警覺則高明廣大者常自若非有所 中庸說天命之謂性即此心也率性之 問學盡精微道中庸等工夫皆自此做儘有 を三 次此類語樣 一問道亦此心也脩 

或言静中常用存養日說得有病 或問存心日存心只是知有此身謂如對客但知道我此身在 學者須敬守此心不可急迫當栽培深厚裁只如種得一物在 開转行時坐時讀書時應事接物時皆有着力處大抵只要 イ・フェラー 二國時朱然終日欽欽如在行陣學者持此則心長不放矣新 此對容方子 見得收之甚易而不難也大雅 量若此心上 但涵養持守之功繼繼不已是謂栽培深厚如此而優游 品間則浹洽而有以自得矣苟急迫求之 一夫則不待商量定當即今見得如此則更無 動 靜無時不養個 )则此心凸

心須常令有所主做 心得其正方能知性之 靜坐無問雜思慮則養得來便條暢淳 明道教人 **新売里要朱子** 其本心廣 八須將那不錯底心去驗那錯底心不錯底是本心錯底是 明如日月要開心却不問題物走了。不要開心却開有 泊處又云須是靜坐方能收飲佐 動靜 一靜坐李先生亦發人 是私巴 1 一事示了不要做别事心廣大 善祖道 誠 八静坐 正類語錄 莠 八如天地

一始學工 或問不拘靜坐與應事皆要專 事而惹出三件兩件如此則雜然無頭項何以得他專 有箇安頓處譬如人居家熟了便是出外到家便安如茫茫 絕思慮只收飲 觀文王雖雖在宫肅肅在廟不顯亦師無射亦保便可是敬 在外不曾下工 只是如此古人自少小時便做了這工夫故方其灑掃時 一夫須是靜坐靜坐則本原 禮主於學詩學樂舞學絃誦皆要專一 及其有事則隨事而應事已則復湛然矣不要因 《此心莫令走作閒思慮則此心湛然無事 一夫便要收飲向惡面也無箇着落處士毅 一石日静坐非如坐禪人 避不免逐物及收歸來也 且如學射時心 八定 斷

馬尼里曼朱子 從那頭去又何處是收功處放程先生須令就敬字做工 然今既自小不曾做得沒奈何須看從今做去方得若不 處然後為學便有歸着不錯若心雜然昏亂自無頭當却學 相契否今水此心正為要立箇基址得此心光明有箇存 柱處今且說到營營底心曾與道理相入否曾與聖賢之 正為此也 )問存養多用靜否日 **今雖說主靜然亦非棄事物以求靜旣** 夫却要讀書看義理恰似要立屋無基地且無安頓屋 关三 中學御時心若不在何以使得他 · | 不必然孔子却都就用處教↓ 該正数語錄 八自然用事君

作完五国 得力須是動時也做工 無間斷始得若無間 事物之來若不順理而應則雖塊然不交於物以求靜心亦 笛思量倒斷始得頃之復日動時靜便在這裏動時也有靜 來且 動也動靜如船之在水潮至則動潮退則止有事則動無事 不能得靜惟動時能順理則無事時能靜靜時能存則動時 順理而應則雖動亦靜也故曰 日候我存養又不 夫則動時固動靜時雖欲求靜亦不可得而靜靜亦 《撫妻子御僮僕 斷静時固靜動時心亦不動動亦靜也 |夫靜時也做了 可只茫茫隨他事物中走二者須有 成捐棄了只閉門静坐事物之 知止而後有定定而後能靜 一夫兩莫相靠使

心要精 **高字里要未于** 校却别從固 推去只管恁地極 知是知在先又日未有致知而不在敬者則敬也在先從 問答之際各則動也止則靜矣凡事皆然且如 何所始但學者須自截然從此處做去程 好心要收拾得緊如顏子請事斯語便直下承當及犯而不 無端亦無截然為動為靜之理如人之 事過了靜如潮頭高船也高 方静時須湛然在此不 : 居甫錄說此次日見徐云事 次三 32.根動者所 誠正類語錄 得因頓如鏡樣 氣吸則靜虚則動又 如涵養致知亦 彭

静坐久時昏困不能思起去又開了不暇思德明 問動靜兩字人日間靜時煞少動時常多日若聖人動時亦 朱子卷三系 要得坐忘便是坐馳道夫 作うチェニ 能專此一事處之從容不亂其思慮之發既欲為此又欲為 嘗不靜至眾人動時却是膠擾亂了如今人欲為一事未曾 彼此是動時却無那靜也端蒙 如發而皆中節處便是動中之靜和道

FIL	: 压	155	44	25		4			<b>集</b>
冷朝	告當	体	未	於		文集	脩	  -  -	朱子卷四
里之	稿	傳	敢	輔	又		脩齊類		卷
獎 豈	怪	者	奎	異	及		類		14
<b>水</b> 升	平	<b>时</b>	ラ	学	针	,			
一份	所	陛	心	之	事.				
松自	以	T	夫	說	事謂				
四道	調油	墨鱼	李	則	月宜				
有	· 政東	子島	一天	一片	<b>允选</b>		<u>.</u>		
修果	宫	明	广	目	正宫			後	
產免	者	洞	之	所	類官	† 		後學西山張能	
教が	何	夏	不·	調整	以美	! ! !		西	   
<b>生</b>	八族	士	一抽	数册	一一一一一一一	<u> </u> 		提	
小因	略	宜	翼	之	道			能	<b>!</b> 
是	之	T	さ	仁		<u> </u>	<u> </u>  -	鱗	<u> </u>
一亦	甚	行	不	者	: : :			祭莊	İ
リリュ	山山	星	ᆛ	益	1	<u> </u> 		#	
為	品	是	一满.	微	<u> </u>	ľ			
當	所	喻	見	祭		<u> </u>			:
而觀之豈非所以自治者猶未免於疎略因是亦以是為當然	論	然	於	其					

能稱其職者益已鮮矣而又時使邪佞儇薄關冗庸妄之輩或 輔導而詹事府兩春坊質擬天子之三省故以詹事庶子領之 **叙習易污習於正則正習於邪則邪此古之聖王教世子者所** L皇太子 摩性 夙成 閱理 久熟 雖 若無 待於 輔導然 人心難 保 得參錯於其間所謂講讀間亦始以應文備數而未聞其有箴 以必邀端方正直道術博聞之士與之居處而叉使之逐去邪 規之效至於從容朝夕。陪侍燕遊者又不過使臣宦者數董 而不之處耶夫自王十朋陳良翰之後官僚之選貌為得人 制雖不可考且以唐之六典論之東宫之宫師傅賓客旣職 不使見惡行恭常謹之於微不待其有過而後規也今三代 3

共選甚重今則師傅寫客既不復置而詹事庶子有名無實其 界宫除今已置官外別置而專了工作。五百討論前代典故專豈任事者亦有所未之思耶謂宜深詔大臣討論前代典故 坊使臣得侍左右則無以防其戲慢媒仰奇家雜進之害此己 左右泰坊。途直以使臣掌之何其輕且褻之甚耶夫立太子而 非細事矣至於皇孫德性未定聞見未廣又非皇太子之比 其保養之具尤不可以不嚴而今日之官屬尤不備責任尤 个置師傅賓客則無以發其隆師親友尊德樂義之心獨使春 春坊使臣而使詹事废子各復其職官中之事一言之入一令 此必由於此而後通焉又置養善大夫擬諫官以箴闕失王 1. 天子 **脩身類文集** 

掌以責功效則其官屬巴降偕矣陛下又當以時召之使侍燕 列悉以告之則子弟神孫皆將有以得乎陛 服行而已有效與其勉慕而未能及愧悔而未能免者傾倒羅 遊從容啓廸凡古先聖王正心脩身平治天下之要陛下之 馬以總衆職妙選者德不雜他材皆置正員不為兼職明其職 社之安統業之 府則宜稍放六典親王之制置 班表彩 至在所入對垂拱毀首論及此是年三月召先生赴行在十月未垂拱殿奏劄一孝宗朝 道自天子以至於庶人壹是皆以脩身為本而家 固. <del>发</del>囚 可以垂於示 何友冷議以司訓導置 而無窮矣 下心傳之妙而宗 長

大聖人生而知之亦未有不學乎此者竟舜相授所謂惟精惟齊國之治天下之平亦舉而指之爾此所謂大學之道雖古之 則應乎事者自無毫髮之緣是以意誠心正而身係至於家之 易哨故因是物以求之使是理瞭然心目之間而無毫髮之差 窮理之謂心葢有是物必有是理然理無形而難知物有迹 不得其位而筆之於書以示後世之為天下國家者其門人弟 之所以齊國之所以治天下之所以平,莫不由是出焉然身不 **丁叉相與傳述而推明之其亦可謂詳矣而自秦漢以來此學** 可以徒脩也深探其本則在乎格物以致其知而已夫格物者 允執厥中者此也自是以來累聖相傳以有天下至於孔子 是休了一个中 省齊旗文集

**攸天下之理多所未察未曾即理以應事故天下之事多所未** 過詞章記誦之習而陛下求所以進乎此者又不過取之老子 臣竊廷之意者前日勸講之臣限於程式所以聞於陛下者不 此其身可謂脩矣而臨御天下春年於此平治之效未有所聞 代之盛由不知此故也恭惟皇帝陛下,聖德純茂爰自初潛以 釋氏之言是以雖有生知之性高世之行而未曾隨事以觀理 至為帝仁孝恭儉之德信於天下紛華盛麗一無所入於其心 歸道祈隱晦悠悠千載雖明君良臣間或一值而卒無以復三 絕講儒者以詞章記誦為功而事業日淪於平近亦有意其不 止於此則又不過轉而求之老子釋氏之門內外與觀末本殊

以未著由不講乎大學之道而溺心於虚無之過也臣願陛下 不為所不當為者不得不止以至於臣下之忠邪計慮之得失 个待燭照數計而可否黑白判然矣若是則意不得不誠心不 **清閒之燕博訪真儒知此道者講而明之考之於經驗之於史** 惟陛下擴天日之驱俯賜開納非獨微臣之幸實天下萬世之 叩會之於心以應當世無窮之變則今日之務所當為者不得 其本萬事理差之毫釐繆以千里天下之事無急於此矣伏 於以脩身齊家平治天下亦豈有二道哉臣之所聞於 自常人觀之疑若迂濶陳腐而不切於用然竊以為 )問動涉疑貳聰納之際未免蔽欺平治 倚齊類文集

臣聞天下之本在國國之本在家故人主之家來則天下無不又巴西擬上封事謂且將致類 賢之君能脩其政者莫不本於齊家葢男正位乎外女正位乎 治人主之家不齊則未有能治其天下者也是以三代之盛聖 齊也內言不出外言不入苞苴不達請調不行者家之齊也然 內而夫婦之別嚴者家之齊也妻齊體於上妾接承於下而嫡 新与まる 情愛而不能自克者有非正心俗身動以禮義使之有以服吾 閨門之內思常掩義是以雖以英雄之才尚有困於酒色溺於 之分定者家之齊也不有德戒聲色近嚴敬遠技能者家之

氣之微衣服器用之細纖悉曲折皆有法度一有過失則史書 **輸之方則必以孝仁義禮爲本而其條目之詳則至於容貌詞** 在於早諭教與選左右教得而左右正則太子正太子正而天 臣聞買誼作保傳傳其言有曰天下之命係於太子太子之善 室家道之衰莫不始乎相內惟聖明之留意焉 嗣亂之前哉書日牝鷄之晨惟家之索傳日福之與莫不本乎 之策宰撤其膳而又必有遊善之旌誹謗之木敢諫之鼓瞽詩 下定矣此天下之至言萬世不可易之定論也至論其所以敎 而畏吾之威則何以正其官臺杜其請托檢其姻戚而防 又已酉擬上封事即且是於致叛輔皇備 なり、気が、音にくます

誦書札之工而未曾開以仁孝禮義之習至於容貌詞氣衣服 必逐而去之是以太子所與居處出入左右前後無非正人 之猶必取於孝弟博聞有道術者不幸一有邪人厕乎其間則 未當見一 品則猶知誦習<u>面之所言而有以不</u>忘乎先王之意降而及於 不失其天下也常誼之時固巳病於此法之不備然考孝昭之 充有弱有承上之必得周公太公召公史佚之流乃勝其任 不敢怠焉其選左右之法則有三公之尊有三少之親有道有 世則帝王所以教子之法益跡略矣葢其所以教者不過記 宗理要得了 一誦箴諫士傳民語必使至於化與心成中道若性而猶 一惡行此三代之君所以有道之長至於累數百年而 7

密無問者則不過宦官近習掃除趣走之流而已夫以帝王之 器用則雖及於邪侈而未嘗有以裁之也寮屬具員 言言世紀朱子 世當傳付之統上有宗廟社稷之重下有四海烝民之生前有 也豈不危哉 嚴請讀備禮而無箴規之益至於朝夕所與出入居處而親 是捕家有明月之珠夜光之壁而委之衢路之側盗賊之 甲寅擬上 和協兩官之情言甚切直會寧宗即位遂不果上時壽皇退位光宗御極先生師長沙當草封事欲寅擬上封事謂父慈子孝本於天性 所以有此身者受形於母而資始於父雖有 き. 子 陷齊類文集

造為證患者指疑似以為真實指毫髮以為丘山潜之於其父 也清明之地物欲昏之則父或忘其為慈子或忘其為孝然後 所蔽故小則傷恩害義而不可開大則滅天亂倫而不可救假 則使施之於其子者不無少過諸之於其子則使施之父者寢 如或好飲酒或好貨財或好聲色或好便安如此之類皆物欲 人見子則憐至於襁褓之見見父則笑果何為而然哉初無所 不盡其道者是豈為父而天性有不足於慈亦豈為子而天 有不足於孝者哉人心本明天性素具但為物欲所昏利害 而然此父子之道所以為天性而不可解也然父子之間或 デ理理 《常然後巧為利害之說以劫之。盡謂如此則必受其利了 久 Ņ

進退 情壞而禍亂作矣試於暇時或於中夜或於觀書之際或於靜 用其薄况備物之養無大虧闕政事之問無大更幸過官定省 阻於球渦方間隙之將前羣臣不能救之於早及形迹旣著又 如此則必蹈其害利害既有以蔽其心此心日益猜疑猗疑不 11日秋月 不非難行猶豫追回動踰時月亦獨何也無乃事起於纖微 不能察陛下事親之本心且無以和陛下父子之情往往語言 間果未嘗不慈且孝也臣竊觀陛下天資仁孝初政清明 項捐去物欲之私盡祛利害之蔽默觀此心之本然則父 人才動合公論一言之善天下誦之豈獨於天性至親反 舉足而得罪於其父父一 **肾齊頻文集** 一出言而取怨於其子父子之

語往來間諜以誤聖聽不惟使陛下之身常懷疑懼而使陛下 **改過正心脩身以奉天地以承祖宗為有朱萬年無疆之休而** 陛下之至切故或形於言而不自以為嫌其意惟欲陛下遷善 **廹耳而陛下父子之情所以至此者臣稿料陛下即位之初便** 萬乘之主乃不得 條宗理學 以激怒陛下故近日臨欲過宫而輟者陛下未必不日吾身為 **有好人造為邪說離間陛下之父子如一飲宴之失壽皇慮陛** 拙直援引過當其心雖心於陛下而不足以感悟陛下之聽徒 **卜或怠於為政一** 」
易
曾
有
繊
介
念
恨
如
浚
井
塗
廪
之
意
哉
而
姦
人
因
之
造
為
危 一言動之愆壽皇憂陛下或至於成疾此皆愛 事自由乎故不肯屈獨斷之權為羣論所 ラノオイニ・シン

雅如此一 陛下之失街談巷議偶語族談至有臣子所不敢聽者臣恐不 者乃不以孝聞而以失禮聞又不知其為羣小之姦而直以為 於國家之敗乎,如臣之愚雖百千輩咸欲粉身赤族爲陛下死 未必因此而天下後世寧不曰意念鬱鬱而至此乎夫事固有 其能有補於社稷之存亡乎又聞壽皇聖躬比者小您和豫雖 心能使之 外傷與問罪之 之人但見壽皇慈覆天下而於陛下為尤篤陛下所以事壽皇 **馬马里巨朱子** 官中亦皆嚴憚重華而不敢親近日遠月疎間隙愈大天下 旦上帝震怒匹夫流言草野情亂將仗義而起夷狄 固結而不解乎之外雖復變而食之其能有及 一師當是之時六軍之情能使之親附平萬姓之 良り 脩齊類文集

**護邪惑亂之故誅此奸人以謝天下屏斥餘黨還始政之淸明** 過也光以天下之大而不能容其父乎為今之計先遣大臣謝 罪於重華大發明詔告諭在廷言前日之所以不能無疑者以 也願出臣章與之參訂必有以知臣之惓惓於君父而其言雖 耳今愛陛下之切者中宫也嘉邸也忠陛下之至者二三大臣 爽尊仰書之信史以爲美談反危而安特在陛下反覆手之 即日駕過重華問安侍膳以盡父子之驩如此則天下歌舞 栗之證終身病之夫以兄而不能容其弟雖賢主不敢自恕其 事君者亦不敢隱也昔漢文帝徒淮南王少失思慮而尺布斗 伯男王亨 失於。毫釐之 間而遂至於不勝悔者臣子之所不忍言而忠於

亂而末不可治不親其親不長其長則所厚者薄而無以及 馬卡里要炸仔 於所厚者薄無所不薄其言皆本於此葢君猶表也民猶影也 **企無等差矣故不能格物致知以誠意正** 親長此皆必然之理也孟子所謂天下國家皆本於身又謂 夫天下之物則有親有疏有近有遠而心之應物則有重有 則影無不正矣君猶源也民猶流也源淸則流無不淸矣 經筵大學講義論大 下而言則其理雖未當不 米四 脩齊類文集 一然其厚薄之 心而脩其身則本必 九 一分亦不

陟之 際無一 則又夙與而思之曰吾於吾親得無有未厚乎夜寒而思之曰 此章詳陳大學之條目日格物日致知日誠意日正心日脩身 輕有長有短親者重而疎者輕近者長而遠者短重而長者在 而思之日此於脩身得無有所害乎。每行一事則必反而思之 下清閒之燕從客諷味當存於心不使忘失,毎出一言則必反 所先輕而短者在所後亦理勢之必然非人之所能爲也是以 口齊家日治國日平天下凡有八事而於童末獨以脩身齊家 「此於脩身得無有所害乎小而嚬笑念慮之間大而號令點 一事結之亦猶前章知所先後之云而其旨亦已深矣臣願陛 一不反而思之必無害也然後從之有害則不敢也

益加厚焉。念如此無少間斷則庶乎身脩親悅舉而措諸云 吾於吾親得無有未厚乎以至於出入 反而思之必已厚也然後守之而勿失 父子君臣定位不易事之常也君令臣行父傳子繼道之經也 **启己里更朱子** 不得全出於經矣是則所謂權也當事之常而守其經雖聖賢 無難矣惟陛下深留聖意 一幸而至於不得盡如其常則謂之 南內朝體尚缺十寧宗即位召先生 事有常有變 这可 奏事便殿此第一 脩齊類文集 而其所以處事之 下之事有變有權 生發長沙在道 八起居造次食息無時 一變而所以處之之 有未厚則又恐懼 韵也 術有經有權 聞

之節者亦為此也乃者天運艱難國有大姓天變為之見於上 地變為之作於下人 國以求即乎吾心之所安。寧隕其身亡其國而不敢失其區區 立未可與權益言其難如此而夷齊季札之徒所以輕千乘之 **画未及號令之間不越須東之頃而鄉之危者安離者合天下** 以常理處焉者也是以太皇太后躬定大策皇帝陛下寅紹不 力此之時宗廟社稷危於綴旒是則所謂天下之 不外乎此而衆人亦可能焉至於遭事之變而處之以權而难 )勢。象然而大定此亦可謂處之以權而庶幾乎有以不失其 聖大賢為能不失其正而非衆人之所及也故孔子曰可與 八情為之哀恫怫鬱而皆有難叛散亂之心 大變而不可

實之際至於禍亂之本又已伏於冥冥之中特待時而發耳臣 親之心未盡惟學士大夫羣黎百姓或反不能無疑於順逆 求位之計今日未曾忘思親之懷而已爾嗚呼此則所謂道心 思而參以所聞則尚猶有可諉者亦曰陛下之心前日未曾有 雖至愚亦知竊為陛下憂之而未知其計之所出故皆反覆以 正者矣然自頃至今亦既三月而天變未盡消地變未盡四君 謂終身訢然樂而忘天下者臣有以知陛下之不難矣借日天 微妙之全體天理發用之本然而所以行權而不失其正之 好きの一大米子 本也誠即是心以充之則孔子所謂求仁得仁而無怨孟子所 命神器不可以無傳宗廟社稷不可以無奉則轉禍爲福易危 所所題文集

燕私之奉服食器用之須不敢一 忍性深自抑損所以自處常如前日未曾有位之時內有宫掖 吾負罪引慝之誠充吾未皆忘親之心則可以致吾溫凊定省 為安亦豈可以舍此而他求哉充吾未喾求位之心則可以蓝 專務積其誠意期以格乎親心然後潺發德音痛自克責嚴餘 倡穿班罗 羽衛益勤問安視膳之行十日一 百辟多儀之享恩澤匪頒之式不敢一旦而全享平萬乘之尊 禮始終不越乎此而天倫可正大本可立矣陛下誠能動心 至而不得見則繼以三日三日而不得見則二日而一 日而不 一至焉俯伏寢門怨慕號泣雖勞且辱方 一毫有所加於潜邸之舊外至 至而不得見則繼以五日五

**淡然而水釋則臣不信也若夫災異之變禍亂之幾有未盡去** 陛下寛之 儒宗里要朱行 則在乎陛下疑神恭默深鑒古先日與大臣講求政理可否利 **小深留聖意而亟圖之若復因循日復** (之應不得達豪孽之前不得作矣今日之計莫大於此惟陛 一个一个公論不為倫聽以啓私門則聖德日新聖治日起而天 一則臣恐禍變之來不但禮樂不與刑罰不中而已也人心 **巡而親心猶未底豫慈愛猶未復初並順名實之** 從必使發號施令無一 松内 脩齊類文集 不出乎朝廷進退人材無 一日所以行權者逐 土 気不

遽然全享萬乘之尊無幾有以感格親心早途最昏定省之願 私居處服用宜如潜邸之舊以至外庭禮數僕御恩澤亦未可 臣之所言其最 以為陛下必垂開納而數日來乃聞有吉修葺舊日東官為屋 个惟未能抑損乃是過有增加臣不知此果出於陛下之心大 一数百間外議皆謂陛下意欲速成以逐移蹕以爲便安之 )議軍民之 甲寅經避留身面陳劄子 奏之 北事反覆数干 奏乞 先生留 としている。上感動為之泣下 一寬移仰之 )願耶抑亦左右近習倡為此 身講筵時有占修舊東宫先生不勝憂懼乃留身面問若一寧宗初政 大者則勸陛下凡百自奉淶務抑損自官開 期益勤定省之禮并言近羽及敢官 洞當務 損以盡幸道

省之時不當與此大役以咈譴告警動之意亦恐畿甸百姓饑 因以逐其好心也臣恐不惟上帝震怒災異數出正常恐懼修 恐壽皇在殯因山木上几筵之奉不容少弛太皇太后皇太后 生他變不惟無以感格太上皇帝之心以致未有進見之期亦 至但以適已自奉為事而無於惻憫憐之心或能怨望忿切以 **餓流離陷於死亡之際忽見朝廷正用此時大興土木修造官** 遠甚可懼也至於 高夫里表朱子 《以 官以尊老之年榮然在憂苦之中晨昏之養尤不可闕而四方 以就安便六軍萬民之心必叉將有扼腕而不平者矣前鑒未 人但見陛下亟欲大治旨室速得成就一旦翻然委而去之 一離尊親之側輕去倚廬之次深官永巷園 脩齊類文集

華盛麗之熒惑感移雖欲日親儒士講求經訓以正厥事而進 必以為此徒備禮而來實無必求見我之意其深閉固拒而不 逶迤舒緩無異尋常之時泛然而往泛然而歸太上皇帝聞之 未得見而不亟為之處如臣所謂下詔自責頻日繼往者顧乃 德脩業亦將有所不暇矣此又臣之所大懼也至於壽康定省 **囿池臺耳目之娛雜然而進臣又竊恐陛下之心未易當此紛** 手デヨニシ 太上之稱又不欲其間內禪之說此又應之過者殊不知若但 之禮則臣堂言之矣而其意有未盡也今聞邇日一 同見固亦宜矣又聞太上皇后懼忤太上皇帝之意不欲其開 一向如此而不爲宛轉方便使太上皇帝灼知陛下所以不得 一再過宮亦

各有職業不可相侵盡君雖以制命為職然必謀之大臣參之 父子天倫三綱所係不惟陛下之心深所未安而四方觀聽殊 給舍使之熟議以求公議之所在然後揚於王庭明出命令而 大懼也至於朝廷紀綱尤所當嚴上自人主以下至於百執事 為不美久而不圓亦將有借其名以造謗生事者此又臣之所 速享至尊之奉則父子之間上怨怒而下憂懼將何時而已乎 已而即位者但欲上安宗祉下慰軍民姑以代已之勞而非敢 公行之是以朝廷尊嚴命令詳審雖有不當天下亦皆曉然知 而兴里是朱子 其繆之出於某人而人主不至獨任其責臣下欲議之者亦得 以極意盡言而無所憚此古今之常理亦祖宗之家法也今者 冬日 

皆再三深為壽皇論之非獨今日之憂也尚頼壽皇聖性聰明 者如陳源袁佐之流皆陛下所親見也奈何又欲襲其跡而 更練世事故於此輩雖以驅使之故稍有假借實亦隂有以制 未能盡允於公議乎此弊不革臣恐名爲獨斷而主威不免於 出於陛下之獨斷而其事悉當於理亦非爲治之體以啓將來 退之皆出於陛下之獨斷而大臣不與謀給舍不及議正使實 陛下即位未能旬月而進退宰執移易臺諫甚者方驟進而忽 下移欲以求治而反不免於致亂葢自隆與以來已有此失臣 之未至全**堕其計然積習**成風貽患於後其害已有不可勝言 之弊况中外傳聞無不疑惑皆謂左右或竊其柄而其所行叉 E 5

皇尚不能制之於前而陛下乃欲制之於後臣恐其爲患之益 之乎且陛下自視聰明剛斷就與壽皇更練通達就與壽皇壽 深非但前日而已此又臣之所大懼也臣願陛下深察愚言而 創供奉有衛之廬數十間勿使其有個人暴露之苦如是則 自責減省與衛八官之後暫變服色如唐肅宗之改服紫袍執 及之於心明詔大臣首罷修章東宫之役而以其工料回就慈 与に世を朱子 有以感格太上皇帝之心而速南內進見之期又有以致壽皇 筵之奉而盡兩官晨昏之禮下有以塞羣下窺觀眩惑之 慰斯民饑餓流離之歎若夫過官之計則臣又願陛下下詔 間草創寢殿一二十間使粗可居又於官門之 ショ 脩齊類文集

左右環擁更進醫喻解釋之 前所陳宛轉方便之說然後隨之一而入望見太上皇帝即當流 **沸伏地抱膝吮乳以伸負罪引慝之誠而太上皇后宗戚貴臣** 信分五字 控前馬者預韶近屬導行之賢使之先入首白太上皇后以臣 兔世 **享帝雖有忿怒之情亦** 文集終

語錄 問正心章既說念懂四者脩身章又說之其所親愛之類如何 親愛賤惡畏敬哀矜敖惰各自有當然之則只不可偏如人 **育で世長朱子** 人之其所親愛而辟焉如父子是當主於愛然父有不義子不 而食只合當食食機過些子便是偏渴而飲飲機過些子便 是偏如愛其人之善若愛之過則不知其惡便是因其所重 日念婕等是心與物接時事親愛等是身與物接時事廣 **加陷於所偏惡惡亦然下面說人莫知其子之惡莫知其苗** 脩身 面許多偏病不除必至於此派 シショ 脩齊類語鉄 

蔡問敖惰之說日有一 不是惡德淳 惡只是所為也無甚好處令人懶去接他是謂敖惰此敖惰 敬然說大人 去便賤惡他也不得人之其所畏敬而辟焉如事君固是畏 可以不爭如為人父雖是主 一枚其惡與陳善閉邪責難於君也只管畏敬不得有孫 種可厭者然猶未至於可賤惡處或尚可欲若一 **亦不知責而教焉不可人之其所賤惡而辟焉人** 八則藐之又不甚畏敬孟子此語雖稍粗然古人 7 一般人上未至於可親愛下未至於可賤 示慈若 向辟將去則子有不 向辟將 八固自有

**時六世記朱子** 學者須要有廉隅墻壁便可擔負得大事去如子路世間病 八須是有廉恥孟子曰恥之於人大矣恥便是羞惡之心人有 求所以百事非人言令人只見會子唯一貫之肯遂得道統脚不住不知廉恥亦何所不至因舉呂舍人詩云逢人即有 得盡冉求比子路大差升卿 **箇病何以終在日當時也須大叚去做工夫來只打疊不能** 之傳此雖固然但曾丁平日是箇剛毅有力量壁立于你底 恥則能有所不為今有一樣人不能安食其氣銷風以至立 都没了親於其身為不善直是不入此大者立 當耐者豈可全學耐事學耐事其弊至於若 脩齊類 語錄 丰

信労用要言 賤是人之所惡也不以其道得之不去也然後說君子去仁 做工 則立脚不定安能有進又云學者不於富貴貧賤上立定則 惡乎成名必先致取舍之際界限分明然後可做工夫不然 得卒傳夫子之道後來有子思孟子其傳亦永遠又如論語 以吾仁彼以其爵我以五義吾何歉乎哉底言語可見雖是 必先說富與實是人之所欲也不以其道得之不處也負與 里之命臨大節而不可奪晉楚之富不可及也彼以其富我 人觀其所謂士不可以不弘毅可以託六尺之孤可以寄百 一夫處比顏子覺粗然綠他資質剛毅先自把捉得定故 为四 'n

因厄 馬云里更未子 因說貧日肌 味道問死生是大關節處須是日用問雖 其是而已大雅 如此用了 以道其接也以禮斯孔子受之 雖遇大田厄有致命遂志而已亦不知有人之是非向背 作都 惠此則斷然不可明作 有不暇恤只得成就 友岩以錢相惠不害道 一夫當死之時方打得透日然 ル量有 2. コ 八若能一 简是處如此則方寸之間全是**天** 脩齊類語錄 一理者可受分明說其交也 |辰檢點自己念愿動

或說事多日世事無時是了且揀大叚無甚緊要底事不要 信号可写 **有是理方有這物事如草木有窗種子方生出草木如人有** 精磨去一 後就不覩不聞處用力方能細密而令人好好跳過 乎其所不 心去做這事方始成這事若無此心如何會成這事要發 是做不成下梢 又逐漸就小者又揀出無緊要底不要做先去共粗却去其 處事 **賭處與聞處原不曾有工夫却便去不賭不聞處做可** 不視恐懼乎其所不聞先且就賭處與聞處做了然一重又磨一重天下事都是如此且如中庸說戒慎 名口 如屋漏暗室中下 1 層做

這 作事若顧利害其終未有不陷於害者可學 令人多是安於所不安做些事明知是不好只說恁地也不妨 临宋里要朱子 有可寒心處毯 **驕膽大而恃兵强因去攻二城亦攻不下。壽**昌 謹畏不敢忽易故戰則雖大國堅城無不破者及至勝則自 八未有所見時直情做去都不見得一有所見始覺所爲多 能的後易不然則難將至矣如樂毅用在 一雜以待來年者也質孫 邊俗見之類自破 脩齊類語錄 龙

某看人也須是剛雖則是偏然較之柔不同易以陽剛為君子 古人臨事所以要回互時是一般國家大事係死生存亡之際 八最不可晓有人奉身儉嗇之甚充其操上 倒了·賀孫 **陰柔為小人若是柔弱不剛之質少問都不會振奮只會困** 底却只愛官職有人奉身清苦而好色它只緣私欲不能克 有不可直情徑行處便要權其輕重而行之今則事事用此 **臨事只見這箇重都不見別箇了或云似此等人分數勝**尸 下底日不得如此說才有病便不好更不可以分數論它只 面回互至於柱葬直尺而利亦可為飲是甚意思珠

李問世間有一 权蒙問程子說避嫌之事賢者且不為児聖人乎若是有一 行うに世紀未子 愛官職便弒父與君也敢變孫 父子夫婦君臣分上極忍無狀然終始於兄弟之情不衰這 嗣遂力讓他綠這一節感動得他所以終始恩重不衰 合委曲而不可以直遂者這不可以為避嫌日自是道理合 只緣寧王讓他位所以如此寧王見它有功自度不可居儲 不起便是私這便是避嫌只是他見得這意思已是大段 如此如避嫌者却是又怕人道如何追却是私意如十起與 八生得多般様這個便全是氣稟如唐明皇爲人它於 種人慈惠溫厚而於義不足作事無斷制是如 うくし 育齊類語錄 項

作为五要 人言匹夫無可行便是凱說凡日用之間動止語默皆是行處 親戚自是礙法但以相熟遂避嫌不舉他又如有某人平自 未管忘之後亦竟不薦不薦自是好然於心終不忘便是喫 且須於行處警省須是職職就就方可若悠悠泛泛地過即 治他遂休了如此等皆蹉過多了質孫 與自家有怨到得當官彼却有事當治却怕人說道因前怨 好人當薦舉之却緣平日與自家有恩意往來不是說親戚 他趨奉意思不過這便是私意又如如今上朝明知這簡是 工夫大段會省察了又如人遺之千里馬雖不受後來薦人

問人 三方作世長未子 無能底人 之達冉求之藝只此便可以從政不用他求若是 出來如何强得個 便用大 個身心到得做事業時只隨自家分量以應之 便畫何用許多年隨 既深討得是當又且放頓寬大田地待 不可升卿 學便要踐履如何目固然是易 、聖賢做小底功業便用小瓜賢人做各隨他分量做 矣恐不然也 に日 行有類語珠 、只是日夜皇皇汲汲去理會這 去不然則孔門 Ē 道 丁皆是獃 果賜

有個天理便有個 作与更可 自去涵養書用你自去讀道理用你自去究索某只是做 間講說時少踐履時多事事都用你自去理會自 恰好便有人欲出來獎孫 何當便說仁以行之談 疑難處同商量而已 個 八欲益綠這箇天理須有個安頓處才 少天理本多人欲便也 自有天理問莫是本來全是天理否日 後來沒巴鼻生底幹

ララントラートナー 凡一事便有兩端是底即天理之 八只有個天理人欲此勝則彼退彼勝則此退無中立不進 與剖判極處即克治擴充功夫隨事者見 **勝時勝時甚氣象**祖道 歩則此退 不進便退也譬如劉項相拒於滎陽成阜間彼 分只爭些子故周先生只管說幾字然辨之 **3** 1 毎說豫字大雅 一步此進一 **毫去則逐漸推將去此** 體認省察之格 有節題品米 一步則彼退 公非底乃人欲之私須事事 步初學則要年 然人之氣稟有偏 **此心莫退終須有** Ē

徐子融問水火明知其可畏自然畏之不待勉强若是人欲 保持 稟偏處克治問祖 伐怨欲却不是要去就克伐怨欲上面要知得到只是自就 道理這邊看得透則那許多不待除而自去若實是看得大 綠有愛之之意雖知之而不能不好之奈何曰此亦未能重 所見亦往往不同如氣稟剛底人則見剛處多而處事必失 底道理要去求勝做甚麼要去 矜秀他人做甚麼求仁而得 知而已又問真知者還當真如人欲是不好物事否日如克 之太剛柔底人則見柔處多而處事必失之太柔須先就氣 仁又何怨怨箇甚麼耳目口鼻四支之欲惟分自安欲箇 **玛**雯, 条 K イースノネブ モアイ

或問義利之別日只是為已為人之分緩為已這許多便自做 高、 目記 朱子 **敬不是閉眼默坐便為敬須是隨事致敬要有行程去處如今** 迹矣贺孫 來便成兩畔去又何至如是纏繞大雅 常在軀殼中為主須常如烈火在身有不可犯之色事物之 在方是能持敬今之言持敬者只是說敬非是持敬若此心 以誠之以至正心脩身以後節節常要惺覺執持令此心常 為說此行程也方其當格物時便敬以格之當誠意時便敬 且未論齊家治國平天下只截自格物致知誠意正心脩身 **胚見得大處分明這許多小小病痛都如水消凍** 修齊類語像

凡事只去看個是非假如今日做得一 義利之辨初時尚相對在若少間主義功深後那利如何着得 仁義根於人心之固有利心生於物我之相形素 信号理要 不有欲順適底意思即是利祖道 是是處一 如小小竊盜不勞而却矣。祖道 邊去義也是為已天理也是為已若為人那許多便自做 事自不信便是非處壽目 個是天下之理不過是與非兩端而已從其 龙四 一件事自心安而無疑便

育ら世界大子 志只在此三 是而行之聖人 文義須是虚心玩索聖人 知所擇哉今讀書而不能盡知其理只是心粗意廣凡解釋 忽然看見攫拏得來方是見道只是如日用的道 人未悟故如此說又如彼說這裏既說那裏又 般道理只是見得明行得到為賢為聖皆只在此里 〈綱看過何終見得精微出來所以失聖人 个須別去尋討只是這個道理非是別有 一十而立所立 教人 える 八言語義理該貫如絲髮相通若只 只在此四十而不惑了 将齊頭語除 是發明此理士 几事皆田 )意也 箇道被我 **玉志學所** 个是别有

為血氣所使者只是客氣惟於性理說話涵泳自 血魚之怒不可有義理之怒不可無意 人未說為善先須疾惡能疾惡然後能為善今人見不好事都 八心不可狹小其待人 處季禮 裏去也是可怪與立 忽然見道的說話道又不是一 只恁不管他民之秉葵好是懿德不知這秉獒之良心做那 恁地不是事事理會得個是處便是道也近時釋氏便有個 、接物胷中不可先分厚薄有所别具、 志放令規模寬淵使人人 一件物事可摸得入手、

問待人 **門父 毋之於子** 后后里更朱子 不誠之問人不幸處繼母與兄弟不相容當如何只 **华**則人傑 耶日父母愛其子正也愛之無窮而必欲其如何則邪矣此 天理人欲之 有這樣子公看舜如何後來此樣事多有只是為人 齊家 、接物隨其情 少快活大雅 知所以 ~問正當審决 之里 /處心特 P 一受欲其聰明欲其成立此謂之 偷齊熱語等 葚

問君臣父子。同是天倫愛君之心終不如愛父何也日離畔也 李賀孫 出の天下三 忠字曰父子兄弟夫婦皆是天理自然人皆莫不自知愛敬 君臣雖亦是天理然是義合世之人便是易得苟且故須於 聖明此語何故程子道是好文王豈不知紂之無道却如此 只是庶民賢人君子便不如此韓退之云臣罪當誅今天干 看這說君臣自是有不得已意思質孫 此說忠却是就不足處說如莊子說命也義也天下之大戒 之問忠只是實心人倫日用皆當用之何獨只於事君上 說是非欺誑界人直是有說須是有轉語方說文王心出丟 7

語后里是朱子 來臣子無說君父不是底道理此便見得是君臣之義處莊 便是沒奈何了方恁地有義却不知此是自然有底道理又 字曾引此語以為莊子此說乃楊子無君之說似他這意思 之於君無適而非義也無所逃於天地之間舊皆題跋一 底人如貴戚之卿是也賈生弔屈原文云歷九州而相其君 却是只有進退如有去之之理只得退去又有一種退不得 今何必懷此都也又為懷王傅王墜馬死誼自傷傅王 日臣之視君如宠讐孟子說得來怪差却是那時說得如云 子云天下之大戒二命也義也子之於父無適而非命也臣 三月無君則弔等語似是逐旋去尋個君與今世不同而今 民四 脩齊類語錄

問人 問與朋友交後知其不善欲絕則傷恩不與之絕則又以匿怨 作为西里 也淳 處若論其服則當與君父等故禮謂若喪父而無服又日平 多而師少以其多者言之又問服中不及師何也曰正是難 為匿怨若朋友之不善情意自是當疏但疏少以漸若無大 而友其人曰此非匿怨之謂也心有惡於人而外與之交則 悲泣而死張文潜有詩談之當時誼何不去直是去不得看 故則不必峻絕之所謂親者母失其為親故者母失其為故 得誼當初年少也只是胡說踢 八倫不及師何也曰師之義即朋友而分則與君父等朋友

某曾言今教導之法皆失真無一 教道後進須是嚴毅然亦須有以興起開發之方得只恁嚴徒 島で 世紀朱子 也非老莊之道無有是者個 貢之埋馬夫子之釣弋有若之三踊於魯大夫之庭冉有用 使孔子與之坐陶淵明藍與用其子與門人子路之質米子 也不識好詩以至說禪底也不是他元來佛祖底禪脩養底 了說從別處去做文章底也只學做那不好底文章做詩底 拘束之亦不濟事道夫 八上下之分雖嚴然待臣僕如子弟待己 ミュリ 脩齊類語録 一箇人曉得說道理底盡說錯 丁弟如臣僕伯玉 毛 0

問齊家治國之道斷然是父子兄弟足法而後人法之然堯舜 於瞽瞍底豫便是他有以處那變處且如他當時被那兒子 漸率其子弟無幾可少變乎人傑 之職為恥此風日變不可復也士君子知此為學者言之以 恁地他處得好不將天下與兒子却傳與賢便是他處得那 兒子好若堯當時把天下與丹朱舜把天下與商均則天下 何日聖人是論其常堯舜是處其變看他烝烝又不格姦至 社稷躬耕稼與陶漁之事皆是也後世驕侈日甚及以臣子 不能化其子而周公則上見疑於君下不能和其兄弟是如 十却齊以入其軍而樊須雖少能用命也古之人執干戈衛 名。但

[ ] 角	77   14		
后是要朱子 段写	4月月八月末息月月几年日本大学月日也是不得已着恁地但是而今且去理會常公	不去致辟於商則周如何不擾亂他後來盡死做這	如何解安他那見子如何解寧貼如周公被管蔡恁地
作	但是而今且去理	如何不擾亂他後	如何解寧斯如周
〔〕	會常偷而今如何便	來盡死做這一着時	公被管察恁地

				于卷四条
			-	11
	, ]			
i				